



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-404-4/22**
Datum: **14.10.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica «ČALJKUŠIĆ» d.o.o. Busovača za donošenje Rješenja o vodnoj dozvoli za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta benzinske pumpe sa pratećim sadržajima i autopraonicom, izgrađenog u Ulici Nikole Šubića Zrinskog u Busovači, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Pravnom licu, «ČALJKUŠIĆ» d.o.o. Busovača daje se vodna dozvola za ispuštanje oborinskih onečišćenih i tehnoloških otpadnih voda u prirodni recipijent sa lokacije objekta benzinske pumpe sa pratećim sadržajima i autopraonicom, izgrađenog u Ulici Nikole Šubića Zrinskog, na zemljištu označenom kao k.č. broj 148/1, 148/4 i 148/5, K.O. Busovača, općina Busovača.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz slijedeće uslove:
 - 2.1. Da se upotreba i korištenje predmetnog objekta vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Skladištenje nafte i naftnih derivata vršiti u podzemnim čeličnim dvoplašnim rezervoarima zapremine 150 m³ (3x50 m³).
 - 2.3. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina, kao i tehnološke otpadne vode iz samslužne autopraonice nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode ispuštaju u gradsku kanalizaciju kojom upravlja JKP «KOMUNALAC» d.o.o. Busovača.
 - 2.4. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 2.5. Prečišćene oborinske onečišćene i tehnološke vode moraju ostati u maksimalno dopuštenim granicama definiranim članom 14. i članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.6. Objekte čija je svrha odvođenje i prečišćavanje oborinskih onečišćenih i tehnoloških otpadnih voda (separator ulja i masti, slivnici, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti, izdvojenim naftnim derivatima i talogu iz taložnika i separatora ulja i masti.
 - 2.7. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 2.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačke 22. i 13. tabele te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice «ČALJKUŠIĆ» d.o.o. Busovača, dana 11.08.2022., podnijelo je zahtjev za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent sa lokacije objekata benzinske pumpe sa pratećim sadržajima i autopraonicom, izgrađenog u Ulici Nikole Šubića Zrinskog, na zemljištu označenom kao k.č. broj 148/1, 148/4 i 148/5, K.O. Busovača, općina Busovača.

- U provedenom postupku dostavljena je i pregledana sljedeća dokumentacija:
- Ovjerena kopija Rješenja o izmjenama podataka broj: 051-0-Reg-13-000545 od 19.09.2013. izdatog od Općinskog suda u Travniku,
 - Ovjerena kopija Aktuelnog izvoda iz sudskog registra broj: 051-0-RegZ-21-000615 od 19.04.2021. izdatog od Općinskog suda u Travniku,
 - Ovjerena kopija Uvjerjenja o poreznoj registraciji od 18.11.2002. izdatog od Porezne uprave FBiH-Kantonalni porezni ured Novi Travnik,
 - Ovjerena kopija Uvjerjenja o registraciji obveznika poreza na dodanu vrijednost broj: 04/5-I/IV-17-1-5684-5647/05 od 12.11.2005. izdatog od Uprave za indirektno-neizravno oporezivanje Banja Luka,
 - Dokaz o uplaćenju upravnoj taksi,

- Kopija Rješenja o odobrenju izgradnje broj: 05-23-651-2007 od 03.10.2007. izdatog od Službe za prostorno uređenje, urbanizam i stambene poslove Općine Busovača,
- Kopija Rješenja o urbanističkoj saglasnosti broj: 05-23-552-2007 od 25.07.2007. izdatog od Službe za prostorno uređenje, urbanizam i stambene poslove Općine Busovača,
- Kopija Rješenja o produženju roka važenja okolinske dozvole broj: 01-05-19-11-388-4-2020 od 01.08.2020. izdatog od Općinskog načelnika Općine Busovača,
- Kopija Rješenja o vodnoj dozvoli broj: 05-25-713/19 od 06.11.2019. izdatog od Ministarstva poljoprivrede, vodoprivrede i šumarstva Srednjobosanskog kantona/Kantona Središnja Bosna,
- Kopija Rješenja o vodnoj dozvoli broj: UP-I/25-3-40-373-4/17 od 08.08.2017. izdatog od «Agencije za vodno područje rijeke Save» Sarajevo,
- Kopija Ugovora o preuzimanju, manipulaciji, skladištenju i krajnjem zbrinjavanju opasnog otpada i čišćenju separatora zaključenog sa «AIDA-COMMERCE» d.o.o. Sarajevo,
- Kopija Transportne dokumentacije za otpad (čišćenje separatora) od 11.08.2021. izdatog od «AIDA-COMMERCE» d.o.o. Sarajevo,
- Kopija Godišnjeg izvještaja – monitoring i ispitivanje količine i kakvoće otpadne vode – ČALJKUŠIĆ d.o.o. Busovača, januar 2022., urađen od «HERKON» d.o.o. Mostar,
- Projekat izvedenog stanja – Hidro faza i odvodnja otpadnih oborinskih voda, šifra: 3N-29/09/2012, septembar 2012., urađen od Agencija «3N KUĆA» Kiseljak (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli broj: UP-I/25-3-40-373-4/17 od 08.08.2017., zatraženo je očitovanje Službe za naplatu prihoda (vodnih naknada) ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za naplatu prihoda (vodnih naknada) od 02.09.2022. konstatovano je da je podnosilac zahtjeva «ČALJKUŠIĆ» d.o.o. Busovača uredan obveznik plaćanja posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-404-3/22 od 11.10.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat benzinske pumpe sa pratećim sadržajima i autopraonicom je izgrađen u Ulici Nikole Šubića Zrinskog 111 u Busovači, uz regionalni put Kaonik-Kiseljak. Objekat benzinske pumpe se sastoji od uslužno-prodajnog objekta sa kafeom, uredskog prostora, nadstrešnice sa automatima za istakanje goriva, podzemnih rezervoara za skladištenje goriva, separatora masti i ulja, autopraonice i vulkanizerske radnje. Autopraonica i vulkanizerska radnja se trenutno ne koriste.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-373-4/17 od 08.08.2017. U toku uviđaja utvrđeno je da nije bilo izmjena u odnosu na naprijed navedenu dozvolu.
- Oborinske onečišćene otpadne vode sa saobraćajnih i manipulativnih površina se prikupljaju sistemom slivnika i kanalizacione mreže, te zajedno sa tehnološkim otpadnim vodama iz autopraonice odvođe na tretman u tipski separator masti i ulja. Ispust iz separatora je, preko okna za monitoring, u gradsku kanalizaciju kojom upravlja JKP «KOMUNALAC» d.o.o. Busovača. Radne, saobraćajne i manipulativne površine su završno obrađene asfaltom odnosno betonom, sa padovima prema slivnicima.
- Čišćenje separatora se radi redovno od strane ovlaštenog pravnog lica «AIDA-COMMERCE» d.o.o. Sarajevo.
- Smještaj goriva se vrši u ukopanim podzemnim dvoplašnim čeličnim rezervoarima zapremine 150 m³ (3x50 m³).
- Za korištenje vode i ispuštanje sanitarno-fekalnih otpadnih voda Investitor je ishodovao vodnu dozvolu od nadležnog kantonalnog Ministarstva.
- Monitoring otpadnih voda se vrši redovno. Na uvid je dostavljen Godišnji izvještaj – monitoring i ispitivanje količine i kakvoće otpadne vode, januar 2022., urađen od «HERKON» d.o.o. Mostar.

Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «ČALJKUŠIĆ» d.o.o. Busovača, ispunio minimum uslova za izdavanje vodne dozvole za ispuštanje oborinskih onečišćenih i tehnoloških otpadnih voda u prirodni recipijent, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-404-2/22 od 05.09.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju:
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- «ČALJKUŠIĆ» d.o.o.
- Nikole Šubića Zrinskog 111, 72260 Busovača
- AVP Sava, ISV-vodna knjiga
- sektor 50
- ⓪ sektor 40 – arhiva
- oglasna ploča – AVP Sava